

Մայիս 28-ին ամբողջ ճակատի վրա, թիւրքերը նահանջում էին անկարգ: Մեր սպայակոյտի այդ օրւայ հաղորդագրութիւնը ասում է այդ մասին. «Թիւրքերը երեք օրւայ կռիւներից յետոյ, ջարդւած են և նահանջում են հապճեպով: Նրանց գործասերը բաժանւած են երեք խմբերի: Առաջինը՝ Ալագեոզ կայարանից նահանջում է դէպի Անի կայարանը, երկրորդը՝ Ղրմզլու և երրորդը՝ Աղջա-Կալա: Մեր գործասերը քայլ առ քայլ հետապնդում են նրանց: Ոգեւորութիւնը աներեւակայի է»:

Եւ, իրօք, ոգեւորութիւնը շատ մեծ էր: Զօր. Սիլիկեանն այլեւս մտածում էր աւելի լայն գործողութիւնների մասին — շարժւել դէպի Ալեքսանդրապոլ: Իր մտքում նա օրօրում էր ուրիշ ծրագիր, որ միայն մտերիմներին էր յայտնում. մի կողմ թողնել Ալեքսանդրապոլը և յարձակւել Կարսի վրա: Եւ համոզւած էր, որ կը դրաւէ Կարսը, իսկ Կարսի գրաւումով անխուսափելիօրէն կը դրաւէր և Ալեքսանդրապոլը. թիկունքից կտրւած թիւրքերը չէին մնայ Շիրակում:

Սարդարապատի յաղթութեան յաջորդ օրը, մայիս 29-ին, գօր. Սիլիկեանը, դիմեց հայ ժողովրդին հետևեալ կոչով.

«Հայե՛ր: Մեր քաջարի զօրքերի հերոսական գործունէութիւնը շարունակում է, և թիւրք զօրքերը նահանջում են:

Մենք պէտք է յետ առնենք Ալեքսանդրապոլը, սրբ այնպէս նենգօրէն դրաւեցին թիւրքերը:

Մեր բոլորիս մտքերը ամբողջովին պէտք է սեւեռած լինեն դէպի Ալեքսանդրապոլը. մենք պէտք է յետ առնենք այն և ապա միայն թիւրքերի հետ բանակցութեան մէջ մտնենք հաշտութիւն կնքելու համար:

Մեզ բոլորիս շատ լաւ պէտք է յայտնի լինի, թէ որ աստիճանի գրգռւել է անկուշտ և միաժամանակ թոյլ թիւրք կառավարութեան խնորձակը: Նա պահանջում է ամբողջ Ախալցխայի, Ախալքալաքի, Ալեքսանդրապոլի և Էջմիածնի գաւառները՝ Էջմիածին վանքի հետ միասին և Նրեւանի, Նախիջևանի գաւառների մեծ մասը:

Միթէ՞ մենք պէտք է տանենք այդպիսի անարդանք: Միտէ՞ հեշտ ու հանգիստ սրտով պէտք է տանք թշնամուն մեր հայրենի հողերը, որ կերակրել, կերակրում են և պիտի կերակրեն մեզ, և մեր սրբատեղին՝ Սուրբ Էջմիածինը:

Ո՛չ, երբեք, հայ ժողովուրդ, դու չպիտի թոյլ տաս այդպիսի անարդանք:

Եւ այդ անարդանքը տեղի չի ունենայ, եթէ մենք հասնենք մինչեւ Ալեքսանդրապոլ:

Քի՛չ է մնացել մինչև Ալեքսանդրապոլ. հարկաւոր է միայն օգնել խրամատներում գտնուող մեր քաջերին, և մի երեք-չորս օրից յետոյ մենք կը հասնենք մեր նպատակին:

Արդ, ուրեմն, մի՛ դանդաղէք, հայե՛ր. շտապով խմբւեցէք խիտ ու համերաշխ շարքերով, վռնտեցէ՛ք թշնամուն մեր հայրենի արինանների հողից, և թո՛ղ ձեզ հետ լինի ձեր յեանորդների օրհնութիւնը:

Դէպի՛ գէնք բոլորդ:

Դէպի՛ Ալեքսանդրապոլ»: